

中國方志叢書·東北地方·第十四號


據

民國·崔正峰修，郭春藻輯
民國九年石印本

影印

遼寧省

蓋平縣鄉土志



成文出版社有限公司印行

sk119/17



10094039

中華民國六十二年十二月臺一版

蓋平縣鄉土志

全 冊

發行人：**黃 成 助**

出版者：**成文出版社有限公司**
台北市郵政信箱二二六〇五號

台北市羅斯福路三段240巷5號
電話：三 四 〇 一 三 二 號

印刷者：**成文出版社有限公司**

內政部登記證內版台業字第一一四七號

中華民國八年六月中旬編輯

蓋平縣鄉土志

中華民國九年五月杪印刷

蓋平縣鄉土志

一

蓋平縣鄉土志印

北洋法政專門科畢業前清附貢庚戌法官
代理吉省地檢廳檢察官署理賓縣初審廳推事 崔正峰
前清優附生考職一等分省試用巡檢現充勸學所勸學員 郭春藻
編輯

蓋平縣學務委員

劉寶珩
許德明
李光九
李鑑塘
苗沛興
孫紹陽
調查

前清光緒科舉人省立第三師範國文教習 王郁雲
前清恩貢候選州判教養工廠廠長 戰興邦
校正

序

已未之春余捧檄權斯邑下車伊始即求縣志良以蓋平為古名邑得縣志則聲名文物風土人情可以盡知而易施治也乃詢之署中各科無此書訪之各學校無此書更覓之縉紳之家亦無此書僅由王君者貴送閱一本殘篇斷簡抄寫錯漏殊不足以資參考不禁喟然而歎夫縣之有志猶家之有譜也不獨為知縣事者之應知紳商農工軍警各界亦應知而學界中尤為必不可不知也學校無不有歷史一科而本籍之歷史不知焉無不有地理一科而本境之地理不知焉無不有修身一科而本籍之昔賢無所知無所知則於修身莫知所景仰而崇尚焉况

巡閱使有徵取

之令營口縣有借證之咨是縣志之編輯實為亟不可緩通有族
兄幼樵之門人馮慶瀾拔萃來署相見極力邀為編輯詎以黑龍
江孫督軍函邀入幕不克共襄是舉隨經推荐郭君春藻眾議院
議員孫君孝宗又推荐崔君正峰堪任編輯之事當倩勸學所長
蔡向陽籌備處所相邀編輯自八年六月至九年一月始成并屬
族姪燾之同年王郁雲孝廉暨戰興邦貢士共同校正乃書未校
竣省立第三師範學校有人與戰君相熟竟假閱而詳錄以去愈
可見斯志之編輯大有裨益尤為不容緩也茲將以斯志付手民
特撮其梗概而為之序

中華民國九年二月既望

知縣事紹興章運煒識

序

國之有史家之有乘鄉土之有志一也蓋天地間之萬事萬物曇
花一現過而不留無以記之將前不見古人後不見來茲舉千載
以來兩間之形形色色光怪陸離皆惘恍迷離而不可辨桃花流
水杳然一去而不返也詎非憾事哉士君子激歷中外上下五千
年縱橫數萬里且無不了然於心若數典即忘里鄙不知不大可
惜耶况鄉土志一書舉一縣之風土人物歷代規模在在有關於
政治經濟足裨寔用者尤鉅唐書謂渤海人習識古今制度如生
平釣遊之區且不能稱說一二又何制度之可識哉昔太史公作
史記七表八志所由起為先例傳之靡窮也光緒末葉學部訂成

目錄頌之各縣余友沈慶颺美唐曾奉委編輯旋以未付剞劂賚志以沒又垂十餘年遺稿靚零僅存山水物產不過全書十分之一乾嘉以上雖有早年縣志一書又不翅丁秦火之厄無足參稽本年夏大府尋向章銜卿邑侯索取斯書適衆議院省議會議士孫孝宗臧景祺兩先生薦余濫竽編輯一席江省馮諮議官慶淵並存余門人郭春藻同任此事遂蒙章邑侯同意自陽歷七月己來蒐羅兼事調查經五閱月而始告成在余謏陋無學固未敢云克盡厥職然勉終其事一則副我邑侯雅意俾我邑有此縣志一書二則如天將破曉稍開曙先後有博洽君子再能踵此放一異彩得成完全善本則余之望也

中華民國九年 二月 吉辰州後學崔正峰溪珊 序

蓋平縣鄉土志序

二

蓋平縣志卷二 藝文志

序

釋氏有云乾坤大葉舟今古長流水每誦其言不禁往復流連而世界之萬事萬物彌綸磅礴於天地間者直寄焉而已然事物寄於天地而能傳之古今閱數千百年而歷歷可攷者何哉恃有史乘之紀載也鄉土有志濫觴於周禮外史四方之志與漢書之郡國志蓋分而言之則為一縣之鄉土合而言之則皆國家之輿圖也且一縣之人文物產道里山川在在有關於政治即草木蟲魚之微末又無一不切於實用之研究所係不綦重哉蓋平於古為邊徼之地世運迭嬗代有沿革惜文獻飄零無從徵信論古者動引以為憾己未夏縣知事 章衡卿邑侯蒞守茲土下車伊始即

留心吏治於風土民情時深塵念訪求縣志已成灰燼之餘求得故友沈菊邨先生遺稿而簡斷編殘類多闕略棖觸者久之適大府有徵修縣志之命我邑侯亟招士紳商確余以至友薦刻奉委與溪珊夫子同事編輯自愧作史無才秉筆邑乘游夏一辭恐不足贊筆削之嚴且尤慮隕越貽羞無以副單父任人之知遇用是惴惴勉竭駑駘羅正史博採舊聞又復隨時調查凡事必錄其實五閱月而斯書告成在余不敏知不免譏恆貽譏然非則折衷於夫子去取則審定於邑侯又經王詔林戰獻廷兩先生之校正俾吾邑數千年來人物風化不共滄桑而俱變後之讀斯志者亦或觀化有自此則余之所深幸也夫

中華民國九年 月 蓋平後學郭春藻蔭軒 序

序

余生雅尚文學恒心儀於古作者之林惟足不出鄉里游覽未閱
觀聞以僻雖間學執筆著易圖略解潛軒讀書記藝舟雙楫論書
釋要聊齋拾闕書後友陶畊者軒詩文集各種究之硜硜私說未
足成一家言違云窺古人之堂與抑亦略存心迹耳每念吾邑東
絡羣山西瀕大海秀靈鍾毓蔚為文瑞其鴻篇鉅製經世之學自
應不乏流傳特恐山深林密即有高材名宿鄉先正隱君子其人
而筆墨無靈不足干城自衛往往琦文瑰字經風霜兵燹以俱湮
良可慨已今斯志成余得謬膺校正心竊然喜方謂九我邑古今
大著作凋殘散失磨滅埋沒而不彰者必經諸同人多方蒐羅采

輯之拾遺補闕俾發幽光不令隨秋蘭璞璧終淪棄於窮鄉空谷之中斯文不墜吾道之幸也乃欣欣披閱諸稭完備洵堪冀世儒俗獨闕文藝一門為之悵然者久既而反覆思維山川草木皆文章人物風俗即學問謂煌煌大文已隱寓於字裏行間即作藝文志觀當無不可此河渠五準諸書游俠貨殖列傳所由雜出於史記而為千古文學之樞軌與吾願覽斯志者因之廣智猷敦風化裕經濟勵廉能視彼詞章記誦徒託空文相去不可以道里計噫升高自卑行遠自邇人欲洞然於天下古今大勢必先從一鄉一邑融會貫通縷晰靡遺斯為有裨實用者矣

蓋邑王郁雲兆林序於友陶畊者軒

序

鄉土志一書在昔八股時代工駢儷務帖括者率不以之為重輕故碩學宿儒有問以某山某水之原委某人某物之事理輒謝以不知而不以為恥者所在皆是今者國體已更科學尤重而學又皆求實際舉凡風土民情山川草木道里河渠以及人事之遺留物類之動植皆有待於研究以為增長學問擴充智識之具此鄉土志之所由見重也惜我蓋邑之鄉土志向付闕如間有見於前清盛京通志者僅寥寥如晨星雖事皆徵實然或詳古而略今或舉大而遺細未免有掛漏之憾焉今幸崔君溪珊郭君蔭軒承我邑侯章公之重囑不惜殫精竭力搜羅而編輯之吾知此志既成